

INUIT ATAQATIGIIT

Inatsisartuni



21. september 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imattoq matumuuna saqqummiuppara.

Naalakkersuisunut apeqqut:

- 1. Kuannersuarni aatsitassarsiorontoqalissappat uranitalinnik piaarnermik ilalimmik tamatuma Kuannersuup avataaniittut inuit peqqissusaannut pinngortitamullu akornutaassanngitsoq Naalakkersuisut qulakkeersinnaavaat?**
- 2. Kuannersuarni aatsitassarsiorontoqalissappat uranitalinnik piaanermik ilalimmik pissuteqartumik Kuannersuup avataaniittut innuttaasut napparsimalissagaluarpata Naalakkersuisut akisussaasunngortinneqassappat taarsiisussanngortitaassallutillu?**
- 3. Kuannersuarni aatsitassarsiorontoqalissappat uranitalinnik piaarnermik ilalimmik taava Narsarmiut manna tikillugu illuutinut suliffeqarfinnullu aningaasaliissimasut taarsiiffigineqarnissartik naatsorsuutigissavaat?**
- 4. Kuannersuarni aatsitassarsiorontoqalissappat uranitalinnik piaanermik ilalimmik taava Narsap avataani najugaqartut, nunalerinermillu inuussutissarsiuteqartut, taarsiiffigineqarnissartik naatsorsuutigissavaat?**
- 5. Apeqqut 4 aappiuppat: Kuannersuarni aatsitassarsiorontoqalissappat uranimik piaanermik ilalimmik Narsap avataani najugaqartut nunalerinermillu inuussutissarsiuteqartut taarsiiffigineqarnissartik naatsorsuutigissagunikku qanoq Narsamut qanitsigisumi najugaqassappat?**
- 6. Kuannersuarni aatsitassarsiorontoqalissappat uranimik piaanermik ilalimmik taarsiiffigineqarnissaminnik naatsorsuuteqarsinnaasut tassaanerpat suliffeqarfiiut inuilluunniit ataasiakkaat?**
- 7. Apeqqut 6 aappiuppat: Kuannersuarni aatsitassarsiorontoqalissappat uranimik piaanermik ilalimmik taarsiiffigineqarnissaminnik naatsorsuuteqarsinnaasut kikkuuppat?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Tusagassiorfitsigut atuarparput Greenland Mineralsip nalunaarusiamini naatsorsuutigigaa, Kuannersuarni aatsitassarsiorneq ukiut pingasut qaangiuppata aallartinneqarumaartoq.

Aamma atuarneqarsinnaavoq Kuannersuarni aatsitassarsiorontoqalissappat naleqarnerpaat tassajumaartut Praseodymium, Neodymium, Terbium aamma Dysprosium sinerissap avataani

uuliasiornermi anorisaatinillu sananermi atorneqartartut. Taakku annertussutsimikkut suliap 27 procenterissavaat pilersaarullu ataatsimut isigalugu nalingat 73 procentiussalluni. Malitsigissavaa fosforimik piaanissaq, taanna pilersaarut ataatsimut isigalugu nalinga 16 procenterissavaa.

Narsarmi innuttaasut tamatumalu eqqaaniittut nunalerinermik ingerlataqartut suli tamakkiisumik ilisimatineqangillat aatsitassarsiorneq uranimik ilalimmik piianertarlik peqqissutsiminnut maannamullu ukiuni arlaqaqisuni aningaasaliissutigisimasaminnut qanoq kinguneqarumaarnersoq.

Tamannaavoq Naalakkersuisunut apeqquteqarninnut tunuliaqutaasoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.